

增補甘泉縣志

拾肆函

增修甘泉縣志卷十六

甘泉縣知縣吳鄂峙 張宏運 王熙泰 原纂

甘泉縣知縣陳觀國 揚州府教授李保泰續輯

甘泉縣知縣徐成敷 桂正華 朱公純 增訂

列女上

三國吳孫奇妻者廣陵范慎女名姬年十八配奇一年而奇亡慎以姬少寡無子迎還其家姬不肯歸迎者以其父母命迫之姬遂持刀割耳及鼻曰父迎我者不過以我年少而色美今已殘矣行將焉如於是迎者空返

列女傳

增修甘泉縣志

卷十六

列女

一

晉華譚母譚廣陵人也譚祖融吳左將軍錄尚書事父譚黃門侍郎譚期歲而孤母年十八便守節鞠養勤勞備至及長好學不倦為鄰里所重太康中刺史嵇紹舉譚秀才至洛城武帝五策之時九州秀孝無逮譚者官至祕書監所歷有美政識者歸功於母教云 晉書本傳

按三國志裴松之所引文士傳華融在吳官太子庶子子譚為黃門郎同時為滕胤所害後次子譚入晉為祕書監則譚與譚兄弟也而華母當為融妻矣但云母年十八守節而譚是時已為黃門侍郎非其所生明矣豈譚

之後母乎母子之分詎容臆斷然松之之世
去晉未遠故家文獻猶存可徵非若貞觀諸
臣收散逸之餘事多紕繆萬厯楊暉吉志直
以爲華融之妻可謂有卓識哉

北齊顏女揚州獄吏妻也姿色絕人太守聞而奪之遂
自刎死今相傳顏小娘子塚是也

嘉靖維揚志

按北齊揚州乃在壽春不應溷入況遍閱北
齊史並無其人不知舊志本於何書又云相
傳卽顏小娘子墓是中必有推移附會之誤
姑存之以俟考

陳徐母廣陵人徐靈禮妻室焚冒火救其兒與俱焚死
太史劉俊以聞詔卹其家

同上

按陳書南史並無徐靈禮其人徐母事未知
何出卽救兒焚死亦未足風世非若當時賈
恩夫婦救母之棺同被燒死徐普濟居喪鄰
家火起伏棺上以身被之焚炙幾死皆得列
名正史如徐母則情同事異引史之例似乎
可刪至云太史劉俊以聞詔卹其家本傳無
太史字晉宋職官惟有刺史內史長史其爲
不根更可見矣

隋華陽王楷妃元氏者黃門侍郎龍涸縣公巖之女也巖明敏有氣幹煬帝嗣位坐與柳述連事除名徙南海後會赦還長安有人譖巖逃歸收殺之妃有姿色性婉順初以選爲妃未幾而楷被幽廢妃事楷愈謹每見楷有憂懼色輒陳義理以慰諭之楷甚敬焉及江都之亂楷遇害宇文化及以妃賜其黨元武達初以宗族之禮置之別舍後因醉而逼之妃自誓不屈武達怒撻之百餘詞色彌厲元自毀其面血淚俱下武達釋之妃謂其徒曰我不能早死致命將見侵辱我之罪也因不食而卒

隋書本傳

按萬厯志凡列女非郡邑所生雖寒如雪霜殉節茲土均不錄入此爲失體借如仕宦流寓中更有忠昭義著豈得限以土著而反遺之乎況婦人從夫禮也今如華陽王妃元氏者皆列簡冊若徒以文藝而無節行者汰之唐樊彥琛妻魏氏揚州人彥琛病魏曰公病且篤不忍公獨死彥琛曰死生常道也幸養諸孤使成立相從而死非吾取也彥琛卒值徐敬業難陷兵中聞其知音令鼓箏魏曰夫亾不死而逼我管絃禍由我發引刀斷其指軍伍欲強妻之固拒不從乃以刃擬其頸曰從我者

不死魏厲聲曰狗盜乃欲辱人速死吾志也遂見害聞者傷之

唐書本傳

揚州江都李邕妻溫氏因邕以文辭矜肆素輕張說與相惡會仇人告邕贓貨枉法下獄當死許昌男子孔璋上書得減死貶遵化尉溫復爲邕請戍自贖表入不省

同上

附表邕少習文章疾惡如讐不容於眾邪佞切齒諸儒側目頻謫遠郡削蹟朝端不啻十載歲時歎戀聞者傷懷屬國家有事泰山法駕旋路邕獻牛酒例蒙恩私妾聞正人用則佞人憂邕之禍端故自此始且

增修甘泉縣志

卷十六

列女

四

邕比任外官卒無一毀天意暫顧罪過旋生諺曰士無賢不肖入朝見嫉惟陛下明察邕初訊責便繫牢戶水不入口者踰五日氣息奄奄惟吏是聽事生吏口迫邕手書貸人蠶種以爲枉法市羅貢奉指爲姦贓於時匭使朝堂守捉嚴固號天訴地誰肯爲聞泣血去國投骨荒裔永無還期妾願使邕得充一卒効力王事膏塗朔邊骨糞沙壤成邕夙心

周迪妻某氏迪善賈往來廣陵會畢師鐸亂人相掠賣以食迪饑將絕妻曰今欲歸不兩全君親在不可并死願見賣以濟君行迪不忍妻固與詣肆售得數千錢以

行至城門守者誰何疑其給與迪至肆問狀見其妻首已在枿矣迪裹餘體歸葬之 同上

露筋女父擊獄無兄弟供朝夕與嫂往省之過高郵其地蚊盛夜若轟雷非帳中不能避有男子招入帳中者嫂從之女曰男女別嫌疑阿家爲誰而可入耶獨宿莽中竟爲蚊嘍而死筋露土人立祠祀之世傳爲露筋廟

鏡女

按江德藻北道記露筋娘者鹿筋梁之訛若此則無其人矣徐文長集云蕭荷花祠卽俗稱露筋娘娘是也故吳嘉紀集又有列女蕭

增修甘泉縣志

卷十六

列女

五

蕭之說而潘之恒如江草曰貞女逸其姓氏謬呼之曰全皆不足據當以米海岳碑云澤國之女嚙膚露筋不就有幃之子氏不顯於一時祠乃揭於千古爲正雖失姓氏而節已昭日月又何必附會諸說

五代明媪廣陵人先選入吳王宮中吳亾嫁牙將李廷梅珠翠服飾頗極華煥繼姑悉收之媪一無所恨布素粗澹而已姑篋楚日至毫無怨言或以姑暴酷爲說答曰新婦鄙拙不能奉順耳終不改初志太平興國中郡

守改其里曰崇孝

舊志

宋李氏廣陵人逸其夫姓逾期喪舅姑相夫葬祭盡禮夫以貿販爲業晨出暮歸李必告以毋求不義之財夫感其言人以爲長者淳化中夫亾服滿其家欲嫁之李礪刀截髮乃止 同上

孟氏揚州人大理寺丞魯有儀妻夫亾守志葬夫親屬凡七喪元祐間揚守臣以聞封旌德縣君 同上

吳氏臨川人年二十四歲歸布衣王令未及一年而令卒遺腹一女其兄欲奪而嫁之號泣勿許歸老父母之家屏蹟田桑以事兄嫂荆釵布素不事塗飾三十二年在本縣黃池陂獨居掌陂事每歲農隙修治隄堰蓄水

增修甘泉縣志

卷十六

列女

六

灌田利及一方一方之人循稟教令子弟有不率者自攜檟楚以求治罪特詔賜絹十匹米十石後以壽終

舊江

都縣志

按舊志載宋史而宋史無其傳惟廣陵詩鈔小序云王荆公赴召道由淮南王令賦南山之田詩往見之安石大喜因妻以其夫人吳氏之女弟令年二十八卒

榮氏薺之女弟自幼如成人讀論語孝經能通大義事父母孝歸將作監主簿馬元穎建元二年賊張遇寇眞州榮與其姑及二女走維揚姑素羸榮扶掖不忍舍俄

賊至脅之不從賊殺其女脅之益急榮厲聲詬罵遂遇

害 宋史本傳

蔣氏揚州人李易母也易以建炎戊申狀元授僉書江陰軍判官三年金人南侵守臣胡紉遣將拒敵且諭易曰吾曹義當死城守君有母宜亟避之易歸告其母母曰我去則汝必無堅守志死生當與汝同之聞者感泣既而賊知有備亟引去 嘉靖維揚志

按宋史建炎二年九月庚寅賜禮部進士李易以下四百五十一人及第出身是也楊誠齋文集云建炎二年上策士於維揚擢胡銓

增修甘泉縣志

卷十六

列女

七

第一有媚其直者竟置第三而李易之名位功業不顯故宋史無傳

晏氏臨川晏孝廣之女年十五有美色建炎三年金兵至揚孝廣爲揚尉死之晏爲兵所得欲妻之卽刎頸求死金兵感而釋之 明南畿志

按記纂淵海云女爲虜所得二十年卒不能犯胡人皆義之則與此不同明一統志云晏氏晏殊曾孫孝廣之女而古今貞烈維風什云晏殊女孫考晏元獻公生於咸平間去建炎一百三十餘年當以稱曾孫之女爲是

歷陽女子徐觀妙嫁張弼建炎己酉客維揚寇至弼往裕溪避賊徐氏爲亂兵所掠大罵曰朝廷畜汝輩以備緩急今寇犯行在不能赴難而乘時爲盜我恨一女子力少勢弱不能斬汝豈肯爲汝曹所辱以苟活耶賊恚刺殺之

沈俶諧史

按宋史徐氏和州人徐閔中之女但云建炎三年金人犯維揚官軍望風奔潰肆掠未云客維揚也是宜以史爲信然沈俶亦係宋人耳濡目染不當訛謬姑兩存之

李氏謝枋得妻也通女訓孝舅姑奉祭待賓客皆有禮

增修甘泉縣志

卷十六

列女

八

枋得起兵守安仁兵散走閩中元人購捕其家李攜二子匿貴溪山中採草木而食元人下令曰苟不獲李氏屠而墟李乃出就縛送江淮行省拘揚州獄中時將沒入李聞撫子泣曰若輩生還鄉里善事吾姑吾不得終養矣是夕解裙帶自經獄中死

舊江都縣志

附李謹思李節婦詩粹粹多羝屈幽幽獨雉經借渠施粉黛聊與照丹青孤檣何年寄重泉底處尙有人能縮地不隔短長亭

宋遺民詩

按宋史及郭天錫雜記胡頤菴文選李奎陳謝二公祠堂碑記皆云死建康獄中今云死

揚州者必因雙峰胡氏疊山先生行實之訛
耳惟李源道文節先生謝公神道碑最詳云
夫人李氏自縊建康獄中一女二婢皆死之
二子熙之定之移獄廣陵胡氏之誤殆由此
也當以宋史爲正

趙淮妾長沙人也逸其姓氏德祐中從淮戍銀樹壩淮
兵敗俱執至瓜州元帥阿朮使說李庭芝淮至揚城下
大呼曰李庭芝男子死耳毋降也元帥怒殺之棄其屍
江濱妾俘一軍校帳中乃解衣中金遺其左右且告之
曰妾夙事趙運使今其死不葬妾誠不能忘情願因公
言使掩埋之當終身事相公無憾矣軍校憐其言使數
兵輿如江上妾聚薪焚淮骨置瓦缶中自抱持操小舟
至急流仰天慟哭躍水而死

宋史

附元劉麟瑞詩石頭城昔號金湯岌岌孤墉戰馬場
西日突圍逃溧水南冠荷校說維揚血凝漢節誇男
子身寄秦淮藉女郎千載妾身貞更潔仰天哭向水

雲鄉

昭忠逸錄

按江南通志載入江甯想因昭忠逸錄之詩
耳但宋史云使淮說李庭芝於揚城下不當
有誤烈婦雖死瓜洲事蹟在郡故入甘泉他

若生於瓜洲而死於瓜洲者皆屬江都不並
列焉攷趙公二妾一名翠蓮一名綠雲死此
者未知孰是

元費氏名元琇上海人歸廣陵朱氏至正間從宦江陰
屬世亂歸甯丙申苗軍亂城陷賊見元琇露刃欲犯焉
元琇死拒奮罵曳元琇爪入楹間罵愈切苗怒剗之義

聲動吳中

嘉靖維揚志

王氏新喻人諱覺善年十八嫁維揚衛桓歸十一年而
桓卒節婦惡衣食御之無慍色并曰中饋之事親之惟
謹縫紉之勞職之不廢以上有吾姑也故致其養愈勞

增修甘泉縣志

卷十六

列女

十

而不懈以其失所天也故奉其先久而猶悲平居訓諸
子以恭儉待嫺舊以慈愛化女婦以柔順而內外親無
疎戚愚良輩者附卑者慕曰可矜法也當桓之亾節婦
年尚少父母之家欲奪而嫁之節婦泣曰吾夫旣亾吾
不忍卽死者期有以養吾之姑奉吾祭祀無吾諸子如
斯而已他非所敢知也其賢如此至正戊子郡守陳公
鐸以事聞淮東部使者姚公紱加察詳焉表其門曰節

婦王氏之門

九靈山房集

甯居贊之妻獨吉氏揚州路總管獨吉禮之女也早寡
扶夫柩歸葬河內先期挾其幼墓下廬焉哭踊自誓吾

爲甯家婦不得與其夫偕老吾力猶能使子有立舍是
吾無所事於世矣卽捐去簪珥盛飾服御取其儉素而
以禮自治後子孫皆成立廉訪使嘉其貞節達於朝廷
旌表蠲復如令下有司爲大書貞節獨吉氏之門

集

柳侍
制文

續志考正甯本河內人先寄吳而後歸河內獨吉
禮亦宦于揚節婦內外兩家俱非揚彥

翟氏廣陵人僞吳江浙行省左丞潘元紹側室性柔慧
事其主及夫人皆能以禮國事日蹙元紹出臨戰一旦
歸召姬等曰我受國家重寄義當死狗脫有不諱宿戒

增修甘泉縣志

卷十六

列女

十一

若等幸引決毋爲人恥也姬七人同日自經死翟氏其

一也時年二十三

靜居集七姬墓誌

明管氏二婦揚州人管賢妻闕氏管哲妻馬氏洪武中
賢卒闕氏年二十六一子在襁褓且瞽誓死不嫁後哲
亦卒馬氏年二十一姑以其無嗣諷之他適馬氏曰伯
氏能守節我獨不能乎娣姒力事紡績以養姑瞽子稍
之學星卜以資日給姑以天年終併力葬之後二

嬪俱年七十餘郡上其事旌爲雙節

明一統志

高氏江都人儒生戴和妻永樂中和試不利歸鄉負媿
投水死氏每哭夫必慟絕誓不獨生一日盛飾白姑歸

甯乃詣夫死所長號數聲投水死事聞表其門日貞烈

古今貞烈

維風什

左氏左彥遠女適劉得得爲順義尉逾年得卒氏年二

十六歲攜孤扶柩南還守節以終宣德元年旌

嘉靖維揚志

楊氏教諭楊甯女適李鉉鉉亾楊年十九孝事老姑孀

居四十四年知府吳嵩以聞宏治二年旌

同上

盧進士瀚妻妙惠者姓李氏揚州人也盧未第時講學
西山寺中久絕音耗至成化間有同名者死京中鄉人
誤傳盧死父母信之憐惠貧寡欲奪其志不可必強之
於是江西鹽商謝啟聘之惠自縊者再防守者密得不

增修甘泉縣志

卷十六

列女

十一

死旣受聘強之歸謝至則操節求死啟不得犯置母旁
安馴之母亦揚州惠恃其瓜葛懇請爲尼母佯許之意
其久可成禮時啟舟先發母偕惠後舟過金山寺下因
禮醮惠題詩壁間後署曰盧瀚妻李氏盧後登第承命
往江西促憲廟實錄至家則虛室矣頃遊金山見其詩
徑抵豫章得徐方伯差一慧隸歌其詩於各鹽船下遂
知在謝接至公館權會如初謝商亟嘆曰貞婦也乃置
之無夢園集

附李氏詩一自當年折鳳凰至今消息兩茫茫蓋棺
不作橫金婦入地還從折桂郎彭澤曉烟歸宿夢瀟

湘夜雨斷愁腸新詩寫向金山寺高挂雲帆過豫章

按月山叢話仰山脞錄皆載其事大同小異
不若此傳之簡而明也

節婦姓牛名妙真浙都閩循之從女也天順癸未維揚
薛君寬字叔裕令吾臨海聞其賢娶爲繼室時年十九
叔裕已逾五望六牛以所事父事之養姑篤婦道姑卒
克相喪事叔裕以哀毀致疾牛侍湯藥無分寒暑凡六
年及卒哀慟不欲生盡出所藏爲殯殮不事浮屠時年
二十九遺孤齡甫一歲或諷之曰貲業若此如歲月何
又曰烝烝爾身恃此襁負非吾所知也泣曰死吾所也

增修甘泉縣志

卷十六

列女

十二

吾尙饑寒虞哉吾固弗能必吾孤之立也吾忍自絕於
凶人也哉諷者不敢復言澹然鞠齡以居衣食於織作
艱苦萬狀齡幼多疾恒視以生死稍長就外傳坐食起
處必責以禮弱冠爲郡諸生克自勵鄉邑人推行誼之
士必及焉以是牛之賢益彰有司奏旌其門云論曰吾
觀丈夫克自立必有得於書讀書非婦人事也牛之賢
若有睂於恆之六五彼手不停編而或愧焉何哉夫人
所昇不在書假以明其蔽耳無所蔽則無所假噫能不
蔽者幾人哉斯固書之不可弗讀也讀之弗得其道是
亦弗讀也已齡讀書者也傳其母且以勗齡

金一所先
生文集

揚州二女失其姓氏當北師下揚州二女爲眾所窘乃
給之曰毋甚窘我徐當妻之兵舟東渡大江二女躍身
急流死 嘉靖維揚志

附高濟詩朔師歷亂空揚州干戈斂躍旌旗愁道傍
雙立誰氏女窘入師中俘爾囚佯呼配妾勿窘妾從
容送妾登師舟眞松肯隨朝菌萎白璧忍抱微瑕羞
姊兮誓天當永訣妹兮珍重同生儔素心願蹈東海
死一躍江腹擊中流須臾羣醜齊破膽此女眞爲綱
常謀天樞爾扶地軸繫千古萬古清瓜洲至今父老
騰口說幽魂時弔長江頭酸風往來自潮汐驚濤怒

增修甘泉縣志

卷十六

列女

十四

浪隨沉浮不須曹娥並立姚江之偉石不須英皇聯
祀湘水之深秋於惟二女堪遠匹日星昭揭同江遊
有司不爾志天子於何求鐵筆莫更勒太史金章莫
更誇封邱還應我詩壽雙節耿耿直與乾坤留

李氏揚州府學生章鑑妻夫亾李年二十四遺孤繼生
甫八月誓死自守事祖姑羅姑朱皆以孝聞孀居四十
八年正德十六年禮部奏表其門 同上

姜氏諱妙慧江都姜暉之女蔡爌之妻當處室時敏穎
迴軼羣兒嫻壺範力女紅凜然以禮自防弟妹中有怠
且嬉者每規以正旣歸蔡事舅姑以孝稱宏治辛亥爌

以力田過勞年二十八而卒節婦少夫一歲哀過泣血
病篤亦垂死強之藥乃生或奪其節抱兒哭曰吾所以
不死者有此孤耳吾嫁孤安歸終其身七十八年冰蘖
其操如一日夫死時孤圻始八歲教育備至既長嫻文
詞工六書爲名公墨士所器重正德間逆濠變作圻獻
禦賊五策於維揚蔣公瑤嘉靖初御史秦君鉞檄圻緝
武皇南巡實錄尋受知於時宰桂公薦入史館桂罷相
圻爲抗疏請皆母訓也天子旌表其門 崔東洲集

褚氏金鑾妻鑾沒褚守志五十年正德間旌表 嘉靖維揚志

殷氏殷安女也許某氏子爲妻未行某氏子歿殷聞計

增修甘泉縣志

卷十六

列女

十五

閉戶自縊死父歸其尸合葬焉 同上

姚氏趙彥良妻彥良解官鈔赴南京遇盜死江中姚具
良衣冠至江邊招魂以葬魂帛若有物墜其末持不能
起人異之葬畢守節不出中門者六十年 同上

附張以甯詩黃鵠不重適哀鳴常自憐披心當白日
留面覲黃泉寂寂誰能爾滔滔爾獨賢廣陵姚氏傳

史館幾時編 翠屏集

江都陳娥許嫁姑蘇崔生強暴將奪之抱節而死 袁永集

附袁表詩二首生存異鄉縣死逝異墳邱單鳧違昔
侶雙鳳失今儔願結來生誓還同一處遊 妾顏花

比豔妾命草同彫寶幔塵空積泉台恨豈銷貞魂應不散暮雨復雲朝

陳氏江都周鍊妻鍊故陳年二十四遺孤溥甫兩月兄忠欲奪其志陳剪髮嚙指誓不再適紡績以事舅姑守節五十餘年正德九年以貞節旌門

雍正揚州府志

節婦葉氏江都葉樂菴之女年十八嫁同邑火鉞後五年鉞死節婦枕藉草苫泣血三年或諷以改節葉怒且罵曉之以貞烈大義引刀刺面示不可奪節婦初歸火氏事其姑鄔曲盡婦道每以勤業力本勗夫子待夫之二弟太學生鈞鎡暨諸姑並有禮視僕婢咸有恩生一

增修甘泉縣志

卷十六

列女

十六

子七月而夫卒無何翁亦卒節婦佐其姑治喪如禮事姑益謹教子益嚴子原甫後入太學君子謂葉氏既貞且節且克成其子觀風使檄郡縣以節婦書其門貞節顏其堂加餼以勸其終正德丙寅仲冬十有八日卒年四十有四節婦未字時通孝經嫻禮度哀哭父喪孝母扶疾以賢女名既字而多有懿德殆天性云

崔東洲集

按沈鍊青霞公集有火鎬母壽頌序極稱其母儀婦道有古淑人風是鉞與鎬當爲雁行閨門之內先後相映何揚州火氏之多賢婦

人歟

曹氏萬廷璋妻廷璋歿曹年十九遺腹生一女其姑憫之命再適曹斷髮誓節至八十二而終編修楊守阯爲立傳

嘉靖維揚志

胡氏婦江都農家女也失其姓嫁同邑胡生生補郡弟子員性情廢學遇胡多不以禮尋歿舅姑憐婦少無子將嫁之使其父母往勸不從舅姑詬曰若夫以奴視若奚念不嫁向夕婦遂自沉水死

同上

陳氏劉全妻年二十七夫亾撫幼子章備嘗艱苦守節五十四年嘉靖間知府易瓚爲請旌命未下而卒

同上

葛氏臨淮葛欽女適江都王文玉生二女文玉死葛哀

增修甘泉縣志

卷十六

列女

十七

慟臨棺觸仆其母李氏救之甦遂困臥五月歿

同上

邱氏適任銘銘卒遺孤淮方襁褓撫之成立淮又故復撫孫女甘貧守節四十餘年依姪淵以終嘉靖十二年

巡按御史張惟恕旌其門

同上

王氏少許聘金珊珊病歿至其家視殮哭泣盡哀服闋誓以死守晚家落其姪迎養年踰六十猶處子也

明南畿志

陳氏李軫妻軫卒陳年十九守節五十八年楊氏李軫妻軫卒楊年十八守節六十三年二氏皆無子依姪李彥鐔彥鐔卒妻周氏撫遺孤滋三節萃於一門巡按御

史表其門

嘉靖維揚志

袁氏邑諸生張玠妻玠溺死袁年二十九一女甫五歲

一女遺腹撫二女入室矢操四十三年 同上

郭氏王軾妾軾卒郭年二十五遺孤奎甫三歲郭孀居

二十五年保孤成立巡按御史旌之 同上

張氏攸縣尹張曦女適揚州衛劉杲杲卒無子有顯者

求為繼室力拒不從後家貧歸依母弟年六十七卒巡

按御史表其門 同上

陳氏揚州衛王錦妻年二十六而寡守節三十年教子

成立年五十六而終 同上

呂氏適廖允修允修客死西川呂年二十二子富方晬

增修甘泉縣志

卷十六

列女

十八

呂育孤孀居四十六年知府孫蕃志其墓 同上

李氏邱儀妻儀早卒李年二十四無子女依其伯俊以

居年踰七十始歿 同上

張氏監生紀世楸妻夫亡時年二十四事姑張氏極孝

撫孤子文光成立守節五十餘年巡按屢旌其門 同上

沈氏廖越妻越卒沈與妾馮氏張氏共守節里中火將

延及其家鄰嫗請出避之三氏曰死則共此室耳俄而

火止 萬曆府志

虞氏諸生張齡妻齡歿苦節撫孤五十餘年嘉靖間旌

表 萬曆江都志

徐氏女許配淮安庠生朱某未行而朱亡女成服於家

聞其殯日沐浴縊死朱氏歸其柩與夫合葬焉

同上

鄭氏名其倫嫁高郵庠生崔士僕嫁三日僕暴疾歿葬

僕前一日櫛沐更衣夜半反戶縊死時年二十一

同上

許氏劉昊妻孀居六十年卒子棟滑縣尉繼成庠生孫

惟珍寶坻縣尉人謂天以報許云

同上

王氏賈達妻達亡王與妾林氏俱少林一子王共保育

之子娶婦復天又共撫孫成立姪賈必成亦早歿妻劉

氏年十九撫孤日章稱一門三節

康熙府志

蔡氏歸沈夢麇三年而寡子洪禮甫生鞠育盡瘁五十

增修甘泉縣志

卷十六

列女

十九

年洪禮篤孝嘗藥廬墓事聞建坊旌之仍復其家

同上

孔氏邑諸生葉襄妻姑卞氏病晝夜侍湯藥姑歿號不

絕聲而絕宗黨咸稱其孝

同上

蘇氏太學生汪恕妾生子鑑恕病革蘇割臂療之刀利

自剗透臂負創甚恕病愈而蘇死華亭陳繼儒傳其事

同上

喬氏武舉史良輔聘爲繼室未及娶良輔卒喬聞訃誓

以身殉姑迎之歸慰之曰吾子有孤爾撫之不愈於輕

生乎喬乃依姑以居課子著勲誦讀不輟年六十而歿

直指唐世濟請旌於朝並題曰貞女立碑墓前

同上

附王納諫贈喬貞女序以劍許人猶挂冢樹以身許人豈復得蓋棺而背之禮曰女子許嫁纓非有大故不入其門解之曰纓者嬰也示有所嬰繫不他適也鬚眉男子課其業則誦孔孟比其行則薄由夷一臨大節反面相負安在許心不移者乎又況於環珥而曳紉者哉甫以行媒知名其意色則未接也同穴之誓未有以相要藐諸之孤未有以相託彼自天亡吾自處子若不與吾事而安者亦鄉閭之所不非也喬貞女者曷故而執志不遷耶節義一也而男子多惜名女子多樸誠名譽銷沉則有遷樸誠無悔則無遷

其設誠死義違計吾死之可以捐可以賒其設誠不他適違計吾處子未玷不妨他適其設誠痛其夫爲撫其初妻之子違計吾之不登而婦不育而子理之所寡意固不自恕事之所希有我固可獨有噫嘻其亦奇矣納史氏幣稱史氏婦始而曰史氏有死婦可以報地下矣父母姻戚百諭之乃止則又曰史氏有生婦可以不替其孤矣衰經適史氏哭其柩字其孤誓以是終雖父母舅姑百諭之不止噫嘻吾未見處子而嫠者也洵奇矣或曰禮稱一與之醮終身不改不云未與之醮終身不改余應之曰非常之行不可

以著爲儀然亦微見其意也非有大故不入其門大故莫如夫喪入門詎止慰薦纓不可解入不可出且夫許之醮與之醮也何異蓋貞女之父曰世華有庭訓其許嫁良人曰良輔余戚也武科中雋不祿云大郡伯旣旌異其事余是以言

初日齋集

徐氏李文元妻適李一載卽孀遺孤方匝月苦節自勵
歷六十餘年

康熙府志

程烈婦胡尙綱妻尙綱嬰危疾婦刲腕肉療之不能咽而歿婦不食求殉時有身或勸之得男可不絕夫祀因復食彌月果生男又一年兒殤卽前謝翁姑曰媳不能

增修甘泉縣志

卷十六

列女

二十一

常侍奉矣復絕食姑撫之曰爾父母家二百里中胡不一俟面絕婦曰可日飲米瀋一匙以待其父母遣幼弟至婦曰是卽可白吾志自是滴水不入口姑向之泣婦勸以無泣徐檢奩中簪珥散家人並鄰嫗復日向曾刲肉救夫夫不可救以灰和之置牀頭願附吾左腕以示全歸遂卒

本傳

宋氏年十七歸儀真諸生杜竟登爲繼室舉一子葵方歲餘竟登歿家極貧窘日營緝紆以供晨夕教葵方讀

書成立

康熙府志

蘇氏張誠妻誠歿蘇守節數十年

同上

呂氏劉與期妻幼刲股救親及嫁與期早逝呂奉姑養志撫兩孤有成年八十五卒 同上

曾孺人兵馬司副指揮楊公九重妻揚州江都人也大父銑總督三邊贈兵部尚書諡襄愍公父淳孺人性莊重勤敏寡言笑初歸兵馬時兩世舅姑皆在曲盡孝謹姑性嚴小不當意輒形于色孺人逡巡踧踖無以自容必解乃已姑有顛疾孺人扶持日夜在側楊氏世業鹽筴門內食指百人兵馬公好長夜飲賓客盡醉猶留不聽去有投轄風孺人日夜治具不言勞兵馬公早世遺二孤大者七歲小者三歲孺人寡居獨持門戶而先業

增修甘泉縣志

卷十六

列女

二十二

自其父豪宕不羈萬金橐幾盡及孺人主世業身親簿計勾稽簡察累萬緡人比之巴寡婦清云自始歸訖寡居歷數十年內外大小皆有恩禮無閒言後齟事日壞而孺人之家日削矣又兩世舅姑及兵馬之喪相繼孺人獨身任之祭葬悉如禮其辛勤能事如此孺人三十六而寡砥節三十七年而卒兵備副使馬公騷采輿論上之巡撫御史特表其門 王巖異香集

韓氏丁光復妻夫死韓年二十四誓節撫孤年七十卒

康熙
府志

王氏監生謝銑妻銑亾王年二十八竭力奉姑育子織

緝以給守節六十一年曾孫九成元孫旭皆列邑庠卒年八十九 舊江都志

陳氏事繼母以孝聞及笄適姜起周三十而寡苦節四十年仲子士望成進士封安人鄒元標爲作傳焦竑銘墓 同上

續志考正選舉無士望名或外籍耶

宗氏女訓許婚陳必堯倭寇之變陳遇難女年十八奔喪成服守貞四十年有司上其事勅建坊仍復其家 同上

李氏名如芷王之麟妻于歸八月之麟卒于京邸李扶柩歸以死自誓不食卒事聞建坊旌表 同上

增修甘泉縣志

卷十六

列女

二十二

倪氏丁元素妻夫早歿守志不二壽至一百四歲 同上

張氏太學生劉先甲妻先甲早歿張撫孤成立鬢經終身 康熙府志

姜氏蕭文盛妻文盛死家貧姑令再醮姜言有妊三月幸生男以承蕭氏祧不則相從九原必不辱吾夫也果生子苦育有成 同上

高氏劉世統妻于歸二載世統歿高年十八守節撫嗣子含章成立年八十卒 同上

馬氏監生于應登妻應登歿馬年二十九遺四子二女撫育盡瘁五十餘年 同上

潘烈女小字芝兒年十四崇禎甲申高傑兵肆掠揚境
避亂曠野中一健兒執之女詬詈激怒以祈死兵不忍
殺至河干佯爲繫履遂赴水死 同上

韓夫人明江都張侍郎伯鯨妻乙酉揚州城破自經死

敬亭集

方氏貢生方復初女歸武舉趙君謨君謨歿方年二十

八撫二孤時聰時化於襁褓中姑瞽孝事克謹乙酉城

破自縊孫有成歲貢生鄉飲賓有彬增廣生 康熙府志

樊氏汪承祖妻承祖歿氏緝繡撫孤十餘年值兵至以

線密縫其裳附井死 同上

增修甘泉縣志

卷十六

列女

二十四

游氏陳王之妻王之死氏斷髮自矢撫孤成立揚州破

或勸乘夜可出城游謂女不夜奔況吾孀婦乎偕幼女

投井死 同上

張氏邑諸生周廷德妻廷德歿張撫育羸孤以針紉自

贍值城破偕三女投井死 同上

吳氏太學生程宇妻乙酉城破舉家匿地窖中閱三日

被獲宇與二子俱死季子汲年十四亦被傷吳挈兩女

奔鄰舍投水死 同上

孫氏邑諸生李正開妻城破孫義不受辱遂先自盡子

品奇名諸生孫洧仁康熙壬戌進士 同上

附唐繼祖書李節母孫孺人狀後二首浮江一馬笑
當年匝月圍城墮紙鳶宗社豈關巾幗事貞魂何意
姓名傳裏將恨血藏遺牒攜得佳兒入九泉老泪闌
干多苦雨莫教空擬悼亡篇 歌吹風光競晚春太
平無復見遺民誰將斷脰捐軀烈話向膏唇耀首人
聖代不妨修綽楔清門久矣賁絲綸長箋更剪溪藤續
好遣輜軒次第陳 國朝詩的

孫道升揚州江都縣學生員也繼妻藍氏其弟道乾道
新皆先卒道乾妻王氏子天麟之妻丁氏道新妻古氏
從弟子啟先之妻董氏前妻生長女嫁張靖次日四兒

增修甘泉縣志

卷十六

列女

二十五

繼妻生女曰七兒皆嫁古氏次日存孫女曰巽皆未嫁
揚州被兵時孫氏婦女人手刃繩自隨城破巽先縊
死死時年十七藍氏時年五十四矣或曰母老可無死
弗聽引繩自縊繩斷墮地不死再縊不死一卒至揮刀
斷繩墮地不死兵既去又縊乃死王氏丁氏方就縊會
卒至急走匿夜相持至舍後投汪中死古氏亦年五十
四守節三十年頭盡白墜井眾止之弗聽遂死有女嫁
呂氏生女曰睿時八歲適在外家亦從墜井死董氏居
僻室念卒且至以帶繫門樞縊死存病足力疾移井旁
墜而死董氏之娉有祖母曰陳氏寄居孫與董氏同室

及孫之婦女皆死陳氏亦自縊道升長女嫁張靖者再墜井不死得全節自有傳次四兒與七兒嫁古氏者同縊於床四兒死七兒素壯不死強其姑以手扼其喉令氣絕乃死當是時有張廷鉉妻薛氏城破自縊死廷鉉之妹曰五兒遇卒鞭撻使從之大呼曰殺便殺何鞭爲遂殺死張氏婦女殆與孫同光天壤云

王巖異香集

錢女名淑賢丹徒人隨父述古家于江都與外家卞氏女比鄰相得乙酉城破與卞氏同死而淑賢死猶烈

康熙

府志

附雷士俊錢烈女誄並序揚州城破鎮江錢應式女

增修甘泉縣志

卷十六

列女

二十六

淑賢死越十二年應式流涕而告南昌王于一寶應王築夫以女死之狀且曰曩昔死義多有未如吾兒之烈者也人之自殺者五勿溺熱縊酖吾兒死五物具焉嗚呼烈矣于一爲銘築夫爲傳乃過余而道其事持銘傳示余因誄以哀之其詞曰錢氏大姓世家潤州徙居于揚醫世用售後先繼蹟應式云尤應式有女身逝名留其女維何女節孔修待年于梱一死莫救其死維何遭國多難孤城重圍蟻登魚貫礮聲雷震鳥獸奔竄從容言笑誓死旦旦有刃者刀剗犀萬段爰淬其鋒就頸靡憚應式奪之光芒電燦有焰

者火烟燎四散爰灼其薪安寢靡患應式撲之閃爍
星爛乃結徽纆引領受絆介馬橫馳窳窳懸斷跪泣
致詞兵近至門有死無二殺身成仁遷延授藥聲吞
色憐藥飲不死庭水清淪赴水淺止解帶繫頸須臾
瞑目竟隕其命秉畀回祿肉骨灰燼嗚呼哀哉莫惡
非死莫好非生生甘如飴嗜不肯捐死惡如虎避恐
不遠舍生取死氣至能然一鼓而竭再則維難相彼
齷齪豈盡無賢臨難慷慨指日叫天揮劍抵掌涕泪
潺湲斃而獲蘇有靦彈冠百死不回義高邱山著名
巾幗君子惜旃嗚呼哀哉

艾陵集

附朱一是長歌行爲維揚錢烈女賦是日適登史相
墓黑雲壓堞江城高飛濤五月冤風號客子躊躇爲
停轍濺濺猶踐戰場血道塗老父泪如泉吞聲能說
宏光年當時兵斷黃河口四鎮通侯印如斗一朝捲
地悲笳動駭散豺貅百萬眾轟轟夜礮燒廣陵將軍
戰死城角崩弱男迎降壯男走紅粉成羣牽馬後舊
城錢女顏如花江南生長江北家稽首啟阿父妾年
當十五甯爲斷頭鬼不作偷活虜阿父驚心阿母愴
爲憐嬌女珠擎掌生爾誰知復死爾死誠可痛生可
耻此時愁霖天欲傾此時橫屍泥血並幽魂吹入西

風裏泪滿中宵鬻策聲鬻策聲殘戰爭歇淒涼獨照
邗江月往事興亡安可論霸圖王業今何存長江已
渡韓擒虎臨春結綺尙歌舞趙家不救襄樊圍半閒
堂裏握樞機宏光年間誰竊政充耳莫問揚州信朝
賜金牌召岳飛暮燒鐵索延王濬史相孤忠實可哀
梅花嶺上留荒堆纍纍北邙相向哭李庭芝外有姜
才招魂縹渺葬諸公錢女魂飛一炬紅赤帝唏噓祝
融怒上與皎日光爭互馬鬣空傳封一邱肯教香骨
飽蠅螻烈女識達心更苦豈有園陵保終古廿四橋
邊一望悲上無蒼天下無土

爲可堂初集

兩張氏一江都人爲監生史可學妻一江陵人爲可學
妾可學歿兩氏共撫所生子女工自給歷十數年皆成
立孫大典大成大儒俱補郡邑諸生乙酉城破大儒之
兄大相自縊死大儒衣冠拜辭其父抱兄屍同縊
孫氏諸生張靖妻乙酉揚城破孫見執不屈一卒怒將
刃之已及頸憫其老而止復與一鄰婦俱匿數求死鄰
婦止之越宿鄰婦又執去孫死志益決墜井若有負之
者不死有被俘者過聞井中人聲俯視之孫急以頭沒
水眾識之曰母老何患軍中惟索少者耳因以繩引而
上藏之破屋中留飯食之去居二日兵復至孫又投井

忽數卒至垂絙下視曰老婦頭已禿何畏爲復引以上
一老婦爲易衣遂不死後十六年卒二子瑾琬瑾舉於
鄉琬食餼學宮 同上

程娥諸生程煜節妹未字城圍以死自誓與叔母劉約
各以大帶置袖中城破女理髮更衣再拜別其母遂縊
死劉有女甫一歲啼甚慘劉乳之復以糕餌一器置女
側乃死劉妯娌鄒氏胡氏亦同死女之祖姑適林者投
井死姑適李者遭掠給卒至井傍大罵投井死時稱一

門六節 本傳

蕭氏諸生韓默妻揚州城破時默墜井死蕭氏謂子彥

增修甘泉縣志

卷十六

列女

二十九

超曰汝長子父死當隨左右彥超曰諾亦墜井死蕭氏
乃投縲于梁立視長女就縊旣絕乃抱幼兒魏乳之旣
乳置兒於地整衣拜老嫗曰韓氏一綫惟此而已善撫
之俾韓有後汝賜也必冥祐汝乃自縊 王巖異香集

丁氏字景姒丁半千之女幼通經史知大義適文學薛
友龍舉一子遭亂龍死丁攜子明遠投晉井中家人引
之上明遠已死丁曰吾縊而上者爲存薛氏孤也孤亡
吾何生爲復入井死 康熙府志

瞿姑貢生瞿之秀女許字文學焦賡泰未嫁城破請於
父曰予處子也倘強暴見及死悔晚矣遂自縊 同上

鄭氏郡諸生吳爾成妻兵部鄭元勳妹也事舅姑孝謹
甲申鄭奉姑避亂吳門其兄僑寓金陵迎鄭歸甯辭曰
吾甯與姑同患難忍獨處樂土也繼返郡遭兵投金魚

池死

同上

蕭氏趙時雍母姚氏雍妻乙酉城破時雍自刎死其母
及妻並二女俱相繼自縊

舊江都縣志

楊氏歸諸生曹復彬城破復彬中創仆地楊匿破屋中
長女菴文年十四趣母決計次女菴紅年十二請更衣
死楊止之復彬執不可乃爲三縋次第而縊

本傳

甯氏歸李蘧甫三月蘧死於兵甯蠶績易炊以養舅姑

增修甘泉縣志

卷十六

列女

三十

苦節終身蘧弟薌妻王氏遭難死井中薌弟芄妻彭氏
生一子方在襁褓芄早世彭泣守一孤兵至自刎有老
嫗救之傷喉不死見者憫之順治五年御史李嵩陽旌

其家

康熙府志

馬氏宋朝相妻城破率子之儒妻張氏次子之俊妻馬
氏避舍後小屋曰我爲宋氏婦三十年死分耳汝輩尙
少各有母家以不舍我故至此兩婦抱姑嗚咽握手連
袂共赴河死後之儒登順治己丑進士

同上

續志考正張氏後複出

張氏江都人歸史著馨年二十六而夫亡後城陷撫其

子泣曰嚮也撫孤爲難今也全節爲大兒其善圖吾不能顧矣遂赴水死

橫雲山人明史稿

經氏揚州人生有至性濟甯楊諭德士聰聞之禮聘爲妾諭德卒經守節撫孤歷盡艱苦殆人所難能者

附汪懋麟楊節婦經氏傳節婦姓經氏揚州人生而穎淑嫻容止幼稟父訓聞說貞女順婦諸節烈事傾耳以聽性至孝以多病養舅家思父母輒廢食其母抱危疾臥床久手調藥進粥不少倦左諭德濟甯楊公士聰遭甲申流寇之亂弃官南下過揚州以憂憤致疾獨坐旅舍郡守任公民育公同年友也憐公旅

增修甘泉縣志

卷十六

列女

三十一

病無一人侍藥者爲出俸錢聘歸於公時年十八公病少間攜避蹟吳越間當是時亂兵四起盜賊乘間劫掠夜伏小舟冒風雨白刃屢窘困絕食而公方羸弱扶持左右藉其力爲多尋之常州聞郭外有方塋里者地最荒寂公曰方塋者方外也是可以隱遂卜居村有小樓公日夕坐其上每北望故鄉眺京闕傷國事壞於朋黨門戶君子莫能救遂棄家室絕意榮進自放於荒江草澤而鬱鬱深痛病且不忘輒泪下數升氏婉轉承事必勤必敬見公悲憤亦掩涕不能止未幾公卒氏年二十一有子三歲矣公遺命槨葬

此土示不敢歸窆窆其志可哀也氏卜地爲塋兆將
葬公誓與遺孤守墓側而公諸嫡子來言歸葬便卒
歸其鄉氏痛哭重違公命乃與遺孤留葬公衣冠里
中曰公雖歸其神猶在方坐也自是毀妝蒿簪布裙
閉門課績每寒食提遺孤洒洒墓側辟踊號痛墳土
盡濕聞者哀之氏教其孤嚴常語人曰兒先公所愛
教苟無成未亾人何以歸地下也孤旣長力學能文
章揚州府學生名通佺娶常州陳氏孫二人氏嘗一
歸濟上省公葬處曰余識此他日從公歸也及還常
州一年遂卒時康熙十六年三月十一日時年五十

矣論曰婦人之事人猶臣事君然概責望天下之爲
人臣妾者亦難矣當諭德弃官自放非有顯榮富厚
也固甘心從公於流離困苦之時卒少寡三十年以
死以視委身事人享非常之榮一旦易面改節者何
如耶揚州俗恒以女子遠嫁率以靡麗輕之豈知有
持大節如此者余受知眞定大司農梁公公實出諭
德公門諭德公子持狀涕泣屬爲傳不敢辭也

閣集

百尺梧桐

謝氏邵允謙妻城破允謙爲亂兵所害謝聞卽蹈火自

焚死

康熙府志

沈氏宋朝柱妻城破欲自縊慮不即死投舍後河中死
幼女十一歲亦自溺焉 同上

蘇氏倪士俊妻蘇光達之妹也士俊死蘇年艾無子乙酉揚城將破蘇具酒楮奠其夫曰吾久欲死所不即死者爲服未除也今不可待矣遂投井家人縋之起翼日復投井死 同上

賀氏歸王某夫亡子亦先歿遺孫二陽甫三歲值亂攜孫避地村落間不火食常至彌月人咸服其苦節 同上
張氏幼字高魁未嫁魁爲亂兵所殺張年十三至魁家成服踰年城破張抱魁木主自縛呼家人縱火焚之其

增修甘泉縣志

卷十六

列女

三十三

姑及二小女一青衣俱赴火死其翁高自遇亦躍入烈

燄中 同上

史烈婦者湖廣參政啟元之女姪也適邵伯鎮人馮上銓甲申高傑兵駐揚州縱兵四掠烈婦避居田間會五月五日姑欲攜幼子並烈婦歸烈婦重違姑意隨姑行傑兵突至欲犯之烈婦給以取金遂躍河水死直立水中面如生烈婦姊適王聖明嫁未三月夫卒時年未二十守節凡六十年而卒 同上

邵氏牟君寵妻奉寵母以居 大兵至以子付寵曰聞兵不殺佛子可將此子爲沙彌以存牟氏一脉我與姑

存亾與共也君寵攜子出邵佯作腹痛須熱水熨之其姑往熬水邵乃解所繫縲截爲二分左右上下懸之梁自就右而下者縊焉姑得熱水至邵已絕見左縲曰此待我者也遂投入同死後兵入買二櫟殮之乃卽其外甥也

同上

鄭氏女侍御爲光妹也幼字諸生程起善起善溺死女聞飲泣數欲自盡父母見其志不可奪乃歸之程氏爲立嗣子值夫忌泣奠絕糧而死年十七御史李嵩陽旌之

同上

夏氏汪應英妻應英休甯人授徒江都客安東以死夏

增修甘泉縣志

卷十六

列女

三十四

適應英甫一載聞訃哀慟水漿不入口七日而死

同上

劉氏年十四歸史載筆十二年而夫卒家故貧撫孤大成大誥紡績以供薪米年饑衣食弗充守節無二乙酉城破大誥受重創劉持之泣有卒見其髮皤然聲哀慟以一旗置其門遂獲免孀居五十三年年七十九而歿

同上

程氏朱元德妻嫁甫逾年夫歿視含殮畢卽投繯死有

祠便益門

同上

王氏井達妻乙酉城破掠於兵與所生小女分散囑同

難鄰婦曰汝見吾女乞代我推之水中乃自刎

同上

卞氏庠生范駿妻施氏駿妾卞年二十六施年二十四
駿亡各有遺腹各生一男卞守節三十三年施守節六
十二年歿 雍正江都縣志

許氏袁秀甫妻乙酉城破氏闔戶自縊 同上

張氏卞時瑗妻乙酉 大兵至瓜洲高傑欲遁縱兵掠
城內氏懼辱自縊未絕復趨水溺焉劉氏卞時璧妻亦
自縊鄰婦解之復自刎死 同上

夏氏尤世澤妻乙酉城破氏避兵入文廟東廡卽自縊
子國士庠生 同上

姜氏黃士擢妻乙酉城破氏於其室爲兩縲先命十歲

增修甘泉縣志

卷十六

列女

三十五

女官姐投之俟其絕乃投一縲死 同上

王氏諸生史袁妻乙酉城破氏欲死袁止之曰吾聞有
令不殺王曰焉有城破而不辱婦女者乎遂抱子投水
死 同上

鄧氏周再竹妻乙酉城破投井死 同上

王氏生員尤時中妻乙酉城破王氏於室中爲兩縲呼
女曰汝年已十六苟活卽辱矣令先投一縲俟其絕乃
自縊 同上

邵氏尤守常妻乙酉城破攜七歲女匿複壁三日乃出
見血流屍積遂慟哭墜樓腦破足折女扶臥於床未幾

蹶然起謂女日夜夢汝父爲我治足已愈矣乃步出城
三里至祖墓拜辭投塘水死守墓人以葦箔裹之葬祖
墓側後子世傑歸具槥改葬有藤纏絡箔外厚數寸不
可劬乃止 同上

唐氏監生李文炳妻孫氏文炳妾唐年二十五孫更少
俱寡繼一子亦夭乙酉城破唐與孫俱投宅傍一窪水
死週身衣皆密縫焉姪孫上妻郭氏亦守節四十餘年
同上

王氏江都張綵妻年二十九綵死苦節至七十五歲卒
巡按御史表其門 同上

增修甘泉縣志

卷十六

列女

三十六

劉夫人失其姓總兵劉肇基妻肇基提兵赴宿遷留眷
屬於高郵夫人與訣曰設有急君以死報國吾必以死
報君及肇基奉督師檄援揚州以巷戰死夫人聞信卽
慟哭自縊 同上

續志考正總兵遼東人夫人殉節高郵非在郡城
張氏秦之蒲城人配揚州史似蘭性端謹不苟言笑相
夫力學夫早亡矢志守節乙酉大兵破城氏哀號拜辭
夫靈投身宅後潭中子典甫十齡隨躍入水遇救出得
不死及長念母遭難衣不縟服食不美味數十年如一
日刊追遠圖以紀其事京江張玉書爲之序 本傳

韓烈婦不詳其何氏歸于韓居揚州之大橋年將二十有殊色城破爲兵所得剝其衣將污之婦弱不能制上體已裸止存一裊乃給之曰若必欲于眾前辱我雖死不可曷至內室隱僻處當從命耳兵喜隨之行不爲備婦故迂道至糞窖躍入其中沒其首兵以穢不可復近大怒亂箭射死之

雍正揚州府志

揚州女子遺其姓聞兵至投入河中死遺詩一首有江靜猶堪沉弱質月明誰與弔孤魂之句

同上

王氏江都錢禹錫妻城破時夫奉令守城氏以六歲子溥拜屬其僕錢成護之兵遽入逼氏不從鞭之無完膚

增修甘泉縣志

卷十六

列女

三十七

會日暮兵還營乃匍匐投宅後汪中不死其翁至授以竹竿拉之上氏徧身水血淋漓哭拜翁曰幸未辱身今請面死遂自縊錢成負溥乘夜走匿北鄉復入城迎主

遇兵被害

同上

朱氏景自潤妻高傑兵掠邑東鄉入潤家欲犯朱氏氏大罵不屈遂被殺自潤妾王氏賊強挾之上馬出門躍下觸槐死賊復斷其頭去

同上

常氏字景于忠而未嫁高傑兵入其室氏在爨下執一鐵义拒之义方熾賊不敢近既而义稍冷賊直前逼氏氏舉义擊賊傷頸賊亦砍氏斷其臂後仍歸于忠偕老

以歿 同上

羅氏庠生史著直妻乙酉城破羅自割兩耳投宛虹橋
下死 同上

郭氏瞿之俊妻乙酉城破舉火自焚死長子存直早歿
婦姚氏年十九矢節至年八十次子維新亦早死婦蕭
氏年二十二矢節至八十有三 同上

吳氏閔德祚妻乙酉城破德祚遊學未歸氏以兩幼子
託老僕婢持去將投門外水中會兵猝至欲犯之不從
加以刃被七創仍投水死 同上

吳氏庠生闞荆門母同荆門妻王氏妾唐氏俱於城破

增修甘泉縣志

卷十六

列女

三十八

時自縊 同上

何氏錢肖林妻乙酉城破肖林死氏年二十七有子邦
華七歲懼辱自縊 同上

王氏胡天生妻乙酉城破走入後魚池抱石投水以死
同上

馬氏孫顯吾妻乙酉城破投井死 同上

李氏羅仁美妻乙酉城破氏與孀劉氏妾梅氏李氏女
宦姑婢菊花同抱薪積樓下舉火登樓焚死時仁美已
刃斷二指定後尋收遺骨聚一處瘞之 同上

附方苞羅烈婦李氏墓表烈婦姓李氏浙江龍游人

江都羅經甫妻也幼通詩書繼室於羅前子曰都六歲女曰宦姑年十有二烈婦生女始期揚州圍急烈婦謂經甫曰君上有母下有稚子都妾生而存則慮有所牽吾自擇死所以薪積樓下未幾城破市人驚呼曰兵入矣烈婦上堂泣且拜曰吾不能復事姑乃別其姒劉氏及經甫妾梅氏李氏時烈婦有身八月矣抱幼女持宦姑而語眾曰吾多見古書中婦人遭亂而求生者忍以身試乎眾皆哭從而登樓者凡十人命一婢下舉火火發亦奮身躍入兵定後眾骨籍籍惟婢一足尚存始經甫計猶豫未有所決俄而烟

塵蔽天鼓中聲如亂鼓乃搏膺而呼負母挈子以奔卒皆免家復起子孫盛昌都之弟國垣有子曰愷行四方遇文儒輒流涕述烈婦事而求籍焉同命者十有三人劉氏梅氏李氏外惟婢得其名曰菊花其六人者無聞焉焚宅在新城廣儲門內樊家園合冢在隋西華門故城址琅玕王澍書

趙氏薛文甫妻年二十一值兵文甫被傷氏恐汚自縊墳在興教寺前

同上

顧氏卞日輪妻夫早亡氏守節撫孤乙酉城破氏自縊

樓中

同上

湯氏虞啟元妻生一子鴻漸乙酉城破夫亾氏乃置寶玉懷中曰吾愛其瑩潔無瑕也又懷書契曰吾不欲亾先業也遂投井死時年二十其後鴻漸早歿妻崔氏亦撫遺孤守節凡三十八年 同上

賈氏生員劉師晏妻會兵至師晏遠出氏投門外水死 同上

車晚英諸生鳴鑾女許字甥李之珙及兵至之珙被難時女隨祖官太平署聞訃絕粒死 同上

惠氏李友槐妻友槐早夭氏矢節撫孤兵至自縊死弱女甫十歲先自刎不死復縊於母旁 同上

增修甘泉縣志

卷十六

列女

四十

史氏張國華妻乙酉城破夫挈子出避史乃籍薪坐其上縱火自焚死 同上

柳氏李榮芳妻乙酉城破氏自焚子綦歸見其母焦灼待斃猶張目曰汝勿號我死爲名節也目遂瞑 同上

余氏周士獻妻值鼎革夫遠出氏曰姑老子幼何敢死然懼傷名節乃自縊 同上

常氏適孔某兵至被掠氏藏利刃衣袖中自刎死 同上

吳氏羅先聲妻兵至自縊死 同上

魯氏張嗣祥妻乙酉城破先一夕氏同媳桑氏及家人以薪堵門舉火悉自焚死 同上

吳氏羅震初繼配乙酉城破氏自縊死 同上

吳氏汪履吉妻乙酉城破投廣儲門河死年二十五歲

同上

閻氏舉人劉有學妻婚三年而寡氏撫嗣子銷龍補諸生未幾銷龍逝妻張氏孝事孀姑乙酉城破張引剪自刺不即死縱火自焚亦不死以絮蒙頭死水缸中閻氏守節六十三年歷年八十有二卒 同上

續志考正選舉文武舉人中無劉有學

杜氏褚拱辰妻乙酉城破兵入室掠之去氏抱庭前槐樹不肯行兵曳之不動亂刀砍之既死手抱樹尙牢不

增修甘泉縣志

卷十六

列女

四十一

可解收者異之 同上

車氏庠生李友桂妻顧氏崔氏俱友桂弟婦乙酉城破

同日闔門死 同上

戴氏仇三捷妻守節六十年 同上

青年寡居白首全節者有金鍊妻陳氏蔡京妻蔣氏許
整妻周氏周鑾妻鍾氏羅爵妻王氏張瑤妻杜氏高第
妻嚴氏俞采妻周氏妾火氏孫鶴妻沈氏胡宗洛妻李
氏卞景妻高氏張應麟妻盛氏黃震妻高氏楊炫妻王
氏劉琮妻涂氏 同上
吳氏休甯孫遠慶妻遠慶徙家揚州吳氏無子生一女

遠慶早死吳氏時年二十餘家貧以女紅給衣食揚州城破吳氏已寡居三十年女既嫁亦生女年十五六矣宅近井吳氏趣其女入井次及其女乃從容自投入先是井有人水淺不死其女母子相謂寒甚吳氏給曰須與兵去卽起矣其女母子死吳氏久乃餓死井中

艾陵

文鈔

錢氏卓文伯妻乙酉城將陷與適王氏姑並小姑二人皆躍入池中死

附魏世倣書卓母節烈傳略後文曰嗚呼予讀卓子子任節烈傳而多感矣夫致死亦甚難哉且有幸不

增修甘泉縣志

卷十六

列女

四十二

幸焉匹夫匹婦詈而相誅有擱然沉淵茹鳩斷脰雉經者矣至於忠孝節義所在往往濡忍胸縮污身易面而不能自引決或萬死一生必不能徼其寬宥猶且屈膝求哀而究莫可活嗟夫死不死何其大幸也然不死者又非盡甘心污辱亦有有其力而不足以自達爲威武所奪一失足遂終爲不忠不孝之臣子不貞之女婦此所謂致死之難有幸不幸矣蓋非其志素定者不能今觀卓烈婦錢氏於揚州城未陷時謂其夫文伯曰城必陷吾盍先死死當與稚子俱君無累庶易脫耳文伯止之曰吾籌之熟矣於是城將

陷時姑適王姓者少寡亦在烈婦顧之曰盍先諸遲恐弗及遂抱幼子躍入池中姑大慟從之夫之妹二人亦相掖投池水小叔三尙幼昔撫於烈婦烈婦死環池哭亦躍入水凡八人嗚呼盛哉魏生曰烈婦固未爲不幸也予從家君子過高郵讀父執王克承先生所紀崇禎遺錄甲申之變天子殉社稷當時臣民婦女死者不可勝紀或一室而數十人乃今四十餘年猶不得載之史冊傳天下獨野史氏藏之其未聞而湮滅者尙多也吾意揚城之陷亦有如是今卓氏之節烈歷歷可稽而其猶子克自樹立廣知交傳

其事以布諸海內名碩著之文與歌詩烈婦其必傳

矣

魏昭士文集

李節婦不知其姓並失夫名乙酉夏兵陷郡城婦被掠掠者百計求近不能屈越七日夜聞其夫沒婦哀號撞壁顛碎腦出而死時掠者他出歸乃怒烈婦尸剖腹取心肺人見者莫不驚悼咸稱李家娘云

陋軒詩集

饒氏揚州李璘妾小家女乙酉城破投水死之

附劉城饒氏傳揚州諸生李璘妾也幼慧粗知文字以早失父獨依母居遂習聲歌恆悒悒不樂形于愁嘆生見而異之氏謂知己曰甯爲夫子妾遂決意歸

生布衣操作唯謹家人咸稱焉乙酉四月大兵薄揚城氏卽爲必死計周身衣密縫紉不可解迨城破望見鄰家火有婦女羣走聲遂與母俱投室旁汪中死時生方僧服避他所越數日始出之汪中與母屍相抱不脫云劉生曰始余遊維揚與李生交甚善生非徒文士殆肅然貞節人也乃一見饒而悅之意饒芳烈之概有以深感之歟當饒欲歸生時生之戚屬多方尼之生卒致之無黃衫客古押衙之助而竭誠厲意以成饒志生蓋不負饒者饒臨難致命不辱其身有以哉或曰不尼女之死以成其節其母亦賢也或

曰饒致死不棄其母非但云烈孝亦至焉嗟呼饒之死備數善矣作饒氏傳

張氏揚州宋之儒妻乙酉城破赴水死

附雷士俊書宋貞婦誅後人之所難莫甚於死今夫人飲食寢處安甯無恙也苟遇醫者切脉望色期以必死則艷然終日不樂人壽考雖至八九十歲一朝病革將死顧其妻孥涕泣沾襟夫有疾而死事之無可逃者也以無可逃之事在我誰肯棄生全之樂而就死傷之慘乎此齷齪之徒所以包羞忍垢而有覷相視也唯學道者然後蹈鋒刃赴水火而不辭何也

學道則知輕重君父之倫重一身之患輕其講之已
審一也學道則具大度淡於禍害雖烹醢殺戮不動
其心二也有此二可死故死不足爲之難也至於閨
門女子與夫猛將悍卒目未覩經史躬未親師友而
臨難慷慨舍生取義所謂天授非人力者乎此宋貞
婦之死有足嘉而吾友張問達誅辭之所以作也貞
婦江都宋之儒之妻問達之妹也當 大兵圍揚州
貞婦在圍中城破貞婦恐不免於辱以幼女授之儒
投諸水自赴河而死其節婦炳蔚天地間問達反覆
論述揚美悼窮一唱三嘆者問達善讀書少卽與余

學爲古文凡序記志銘自問達爲者多有法度可觀
嗚呼揚州城破女子之死者頗有姓名不著遂以泯
滅零落余甚惜焉貞婦得問達乃彰矣余讀貞婦誄
而有感故備言之以見貞婦之節烈不可沒而貞婦
之有問達亦貞婦之幸也順治戊子春三月逸民雷
士俊書于莘樂草堂

艾陵文鈔

國朝張氏林廷棟妻年二十三而寡遺子中桂年六歲姑
衰老織紉供朝夕姑歿竭力營葬教子經史子順治乙
酉舉人授韓城令奉母往每誠爲清白吏年逾八十卒

程氏職方鄭元勳繼妻元勳被難程年二十三號慟攜
五歲兒于戎馬中請得倡亂者誅之事平長齋苦節歷
五十九年年八十一卒 同上

郭氏顧文煥妻乙酉城破煥殉難氏年二十二撫孤堅
守顧氏賴之以存卒年七十餘 同上

王氏邵伯戴珂妻珂早逝遺孤襁褓且多病氏年二十
四抱子泣禱誓與子俱存亾後教子有成年七十有七
同上

汪氏江都諸生蘇光達妻性端嚴通書記光達死囑汪
曰吾賫志歿牀頭書以遺吾子庶竟吾志汪泣許之歷

增修甘泉縣志

卷十六

列女

四十六

三十年足不越戶限日傭紉以給薪米餘市紙筆以教
其子宇宇作文必授版坐几側文成取視一不中則涕
泣罷食宇由是力學知名 同上

李氏汪如江妻幼失父母事舅姑惟謹乙酉揚州圍氏
慷慨指樓下井語夫曰此畢命處也及城破遽赴井兵
既去家人以縋縊出之竟不死課子耀麟懋麟皆以文
行著氏茹素五十餘年封孺人以壽終 同上

葉氏侍郎葉相孫女也年十九歸徐立政甫期歲舉一
子立政早逝家故儒素葉養姑撫幼苦節四十年 同上

閻氏羅維卿妻方伯閻士選女也氏年二十維卿亾無

子返依母家或勸其改操毅然謝之兄汝伯嘉其志以幼子爲之嗣母子窮苦相依四十餘年卒 同上

程氏汪潛蛟妻年十九潛蛟死遺孤五月乳絕以粉糜哺之不食氏泣曰吾不卽死望孤長成今無乳孤必死是天欲絕吾也以頭觸柱流血乳遂涌守節五十年訓其子成立孫洋食餼有名 同上

姜氏夏起魁妻氏年十七歸起魁閱十載 大兵臨揚起魁從高郵歸至東關被難遺一子應乾甫九歲氏乃蠶績撫孤苦節四十餘年 同上

薛氏郡庠生于天佐妻事姑舅盡禮生三子一女甲申

增修甘泉縣志

卷十六

列女

四十七

兵亂天佐卒于旅氏于流離中備嘗艱苦教子成立 同上

殷氏蔡天璿妻兵亂蔡曰若苟得免幸保我遺孤天璿果死殷承夫志苦節六十三年 同上

董嫗諸生韓默家老婦也 大兵下揚州默夫婦及長子俱自盡惟幼兒魏在襁褓默婦預乞嫗護持之嫗泣諾懷兒匿死屍下祝曰韓氏不絕其無啼兒果不啼事定嫗育魏成立將婚嫗年已八十且病篤輿至新婦家曰郎君才人幸勿以貧易之歸遂歿魏入太學以詩文名設嫗主如母焉 同上

李氏劉有恒妻劉卒李嘗散粟濟貧孫長發成進士李

猶布蔬勤劬年八十終 同上

黃氏佃農王華京妻生二子長十歲次七歲華京死族人欲嫁之時伺其隙氏謹飭無可乘族人謀于土豪約日強娶之其晚哭拜夫靈遂自經 同上

朱氏陳端木妻陳墮水死氏守貞五十載敬事孀姑至老三子三女皆婚嫁長子炳食餼于庠 同上

劉氏高孝行妻乙酉揚城破孝行爲兵掠去而父兄橫屍在室劉守八日始得棺埋故塋孝行竟不返劉積勞病癱瘓十五年卒 同上

張氏陳楫妻楫嗜學早歿氏欲以身殉鄰婦防之無閒

增修甘泉縣志

卷十六

列女

四十八

一夕婉言遣鄰婦歸縊死夫棺釘上次日眾鄰婦見屍聚哭爲置棺殮合葬焉 同上

高氏進士策女年十八適曹啟元甫一載啟元歿遺腹生男族屬欲利其有百端搆讐氏不爲動保護遺孤成立養孀姑至孝守節數十年 同上

于氏貢生程浩繼室年二十嫁時浩已得疾侍湯藥閱四十餘日浩死氏撫育前妻之子以佶及孫熾昌皆入學苦節四十餘年 同上

張氏名啟汪汝萃妾萃死無子兄汝蕃以子楫嗣之氏與嫡王氏素不相能母家媼姥以氏少年勸之嫁且曰

主翁立後異日縱昌大於汝無與也不應其母將強之
氏大慟欲自殺母自是不復言年四十楫爲諸生有聲
稱觴盡一時名士氏召昔時媼姆謂曰諸君皆爲妾來
主翁有後於妾豈無與乎女不再適非爲名也汝曹嘗
謂我守此無名今日聊相正耳聞者莫不嘆息未幾病
卒 陋軒詩集

鄭氏江都人適金世珍僅彌月卽沒鄭年甫笄內外咸
欲奪其志鄭曰舅姑在夫死孰養已而亦相繼歿立猶
子俊生爲嗣教之有成曰吾可無愧地下矣年八十餘
卒有司旌之 康熙江都志

增修甘泉縣志

卷十六

列女

四十九

朱氏江都太學生湯德化妻年十四歸德化姑歿事翁
敬養有禮未幾德化又亡遺孤肇修甫四歲氏備歷艱
苦撫之成人長補庠生朱年踰六十孫彭年康熙丙辰
進士 同上

裘氏庠生狄崇謙妻乙酉崇謙遇難裘時年二十一歸
甯杭州後回夫家守節歷五十二年歿 同上

程氏顧愷臣妻年二十七寡撫子孫成立至八十四歲
終 同上

顧氏諸生盧日升妻夫死氏年二十八勤教遺孤英後
英以康熙丁巳舉於鄉 同上

宋氏邑諸生朱萬昌妻萬昌早逝氏躬操織紝課子成立同上

葉貞婦字汝兼少司徒相孫女幼讀孝經列女傳通其義適文學李森早世無子嗣兄弟之子爲後冰蘖數十年龜手繢紉以所積葬翁父老無子操針不輟得直以佐父甘旨人稱其節孝咸備云同上

任氏凌思賢妻思賢死泣血三年殯葬成禮隨自縊死同上

洪氏太學生吳允良妻允良亡撫孤蓮成立茹蘖衣鶉苦節三十年同上

增修甘泉縣志

卷十六

列女

五十

高氏李和妻和歿氏守節撫孤以織紝易糴飧茶苦伶仃六十載操作如一日同上

沈氏光祿丞郝璠妻璠卒氏年二十六子士儀方幼氏矢節撫孤乙酉高傑兵擾揚州氏挈孤避江南獲免劬節歷四十五年歿士儀字羽吉博學篤行著有損齋集

同上

孫氏增廣生朱紱妻紱逝孫苦節三十餘年紡績以教三子俱補邑庠生孫後病篤子夔與麟同禱於神夔割乳麟刲臂以飲母立愈兩子竭力以營甘脆四十貧不能娶先是紱割股救父紱長子京刲股救紱至夔麟凡

四見里人紀其事爲節孝合傳 同上

程氏姚曠吾妻曠吾死遺孤三歲程年十九撫之成及生孫而子死程又撫孫孫亦死撫孫女出嫁煢煢五十年備歷艱辛年八十依孫婿焉 同上

卞氏丁昭朗妻朗死卞氏二十七遺孤在抱家貧數米而炊守節六十年歿 同上

陸氏張學周妻學周死守節五十年 同上

王氏黃恩賜妻夫早死家貧孤弱撫子有立苦節五十餘年 同上

金氏陳嘉誼妻十七嫁十八孀育子奉姑竭心盡力終

增修甘泉縣志

卷十六

列女

五十一

身茹素守節五十八年歿乾隆二年題 旌

周氏生員趙自新母苦節五十餘年舉二子自新日新俱早世長媳姜氏事孀姑撫教遺孤延吉延慶成名次媳巫氏無子年僅二十餘同守志奉姑一門三節閭里

稱之 雍正江都志

李小妻者何江都張氏四妹宜黃令李君應高之妾也妹之父揚州衛籍緣鼎革家漸落當歲歉斗米錢二千其家斷炊烟者已數日妹誓鬻身以活父母方允志已決適宜黃令李君乏嗣李父時爲兩淮運判藉友人以禮爲媒由江都載入宜黃官廨未幾若翁下世李令奔

喪廣陵挈家至浦口或勸姝從之東下歸甯父母姝曰
奔喪大故也妾若與俱將不畏多言爲尊君累李令遂
赴喪姝隨其內子徑歸解梁已而李令扶櫬歸里又二
年病且篤姝誓以身殉家人防之頗密遂不言死舉止
自若忽于殯李令之先一夕閉戶自經時康熙二十三
年甲子十有一月二十六日年甫一十八歲先是姝幼
卽聰慧能默誦女孝經女訓亦頗知書法旣歸李令不
復言及次浦口始一索筆札以寄父母書有云他年魂
返江南路唯聽春山哭杜鵑卽是兒魂歸時也聞者泪
下時家人有窺得者驚異亦以爲粗知文墨究未知其

增修甘泉縣志

卷十六

列女

五十二

深也嗣後復絕不經意於此旣死家人僅知其志行剛
烈而已其事李令也敬其事李令之室人也有禮其才
識又善韜晦其視死也如歸比萬州牧綽楔旌之鄰里
亦題其門後九年予守茲土又七年予兄子世棟從江
都得聞其事以書報予嗟呼晚近之世舍身取義之事
不槩見於男子亦不多見於婦人而僅見於姬妾者流
良可慨矣雖然不猶可爲末俗激勸哉因爲之傳

集

江辰
六文

許氏邑廩生李元中妻年二十元中亾遺孤襁褓矢志
守節孝養孀姑甘貧教子五十年子銘鼎銘岱皆有聲

庠序 雍正江都志

許氏歸吳興宗年二十七而興宗歿遺一女二子皆數歲姑程氏祖姑湯氏皆孀老家貧甚不能具甘旨許織紵紡績以養及歿殯葬皆如禮撫子女有成食苦茹荼四十五年卒年七十 同上

顧氏適諸生盧喬新喬新歿糲食絺衣課六子有成其幼廷簡順治乙未魁武闈第一顧八十終 同上

閻氏布政閻士選女適庠生郝雲龍李氏中丞李植女適雲龍弟承龍雲龍年十九卒承龍繼卒閻氏年十九年二十五共誓栢舟五十年如一日郡邑咸旌異之

增修甘泉縣志

卷十六

列女

五十二

同上

羅氏曾襄愍公曾孫士汾妻初姑疾刲左股療之既而夫病復刲右股夫亾遺孤恂甫十歲家甚貧冬常衣葛無寒苦色子長娶婦吳氏未幾子又亡遺孤孫纔二歲姑媳同訓之成立備歷艱苦七十七歲卒 同上

楊氏劉萬妻萬歿楊時年二十撫孤植節歷五十年孤應元娶婦張氏應元亦早歿張守志如姑而事姑惟謹生子士隆娶婦王氏士隆又早卒王亦守志不移三世皆以節著士隆子肇鏜康熙己卯舉於鄉 同上

陳氏歸諸生林朝用年二十餘夫逝撫幼子奉孀姑慈

孝稱於里中年七十五卒 同上

郝氏庠生郭茂春妻茂春死氏痛夫志未遂矢節教子貧不能延師於榻前設書案課子手則紡績口則訓誥

其子衡烝貢生焯燿庠生閱五十八年 同上

王氏瞿之金妻夫早亡艱苦備歷守節三十五年 同上

張氏雷士儀妻先世涇陽人居江都歸五年而士儀病

歿張年二十三遺腹生男越五年又死舅姑乃以弟子爲之後張撫之成立苦節數十年而卒 同上

史氏饒寬妻寬讀書貧而好施家日落歲饑斗米千錢史日夜勤女紅以活數口寒甚衣無絮夜不得火藉草

增修甘泉縣志

卷十六

列女

五十四

數莖抱子挑燈縫紉不輟子眉習經書皆史督誦長爲

邑諸生史以喪母哀慟卒 同上

何氏名珍適新安程晉生晉生善病久不愈氏刲股肉療之及沒無嗣何哀毀誓以身殉弟起泰憐之請以已

子嗣氏曰以何繼程非禮也及葬畢遂絕粒死年二十

四 同上

張氏金元生妻元生卒張年二十遺一子在襁褓誓守苦節家貧以女紅養舅姑伶仃五十歲撫孤成立 同上

王氏邑諸生徐宗健妻宗健讀書攻苦撙疾死王痛夫志未酬遺孤元美幼日夕課訓守節三十五年元美以

順治丁酉舉於鄉 同上

夏氏許字張昌祚未婚昌祚歿氏至祚家守節事舅姑
二十五年歿 同上

宋氏史文周妻婚三載夫歿氏年二十一撫遺腹子苦
節三十五年府守給以節孝可風匾額

沈氏范起鳳妻起鳳負販爲生鳳死沈年二十六長子
七歲次子生四十日有勸之易志者氏攜二子結草屋

夫墓傍以織紵爲活後二子皆成立年六十餘卒 同上

龔氏年十七適戴士龍未幾士龍歿龔忍死守節五十
餘年卒 同上

增修甘泉縣志

卷十六

列女

五十五

溫氏蕭維墜妻年十八維墜卒子方襁褓家甚貧傭針

自給撫孤成立年七十九卒 同上

戚氏泰州人適江都太學生于應鰲少寡守節七十餘
年卒 同上

孟氏女念父老無嗣終身不字事父四十七載迨父歿
殯葬成禮同庶母陶氏祝髮爲尼 同上

許氏監生汪廷柱妻年二十九夫歿於旅邸生遺腹男
顯儒氏教子守節歷年八十有三無疾而逝 同上

韓氏仲之彥妻夫故守節教諸子皆成立歷年八十餘
長婦黃季婦張俱以節烈著人咸謂姑訓云 同上

汪氏吳道昌妻昌病氏年二十一割股救之不愈遂守節三十年教子驄成名 同上

李氏趙天祿妻天祿死李年二十誓死守節撫遺孤有

仁成立 同上

李氏高向明妻年十九適明三月而寡遺腹生一子姑病刲股療之翁歿於秦扶姑柩遠涉三千里爲之合葬守節五十三年康熙十八年與 旌表 同上

程氏監生江九臯妻年二十六寡撫孤苦節康熙二十一年與 旌表 姪澂妻汪氏二十七寡依程一室相守亦同 旌表 同上

增修甘泉縣志

卷十六

列女

五十六

周氏邑廩生龔溶妻夫病刲股弗救年甫二十五二子襁褓矢志撫孤蓬蓽蕭然猶研朱點畫授二子經書卒年六十三長枚諸生次祐貢生 同上

劉烈女名元英劉應麟女字李繼中年甫十六繼中病死元英聞訃涕泣絕水漿七日自縊於寢直指以聞建

坊 旌表 同上

俞氏車從珂妻王氏珂弟從輜妻乙酉歲珂兄弟皆死於難俞年十九王年十八同矢志守節而家甚貧以紡績自給俞一女無子王一子中年而歿復同撫孤孫俞年七十餘歿王年九十餘歿 同上

扈氏史記書妻夫歿苦節四十餘年親督耕墮水不死
鄰火及其廬遽熄鄉人謠曰史母節水不濡火不爇子
箴纂皆諸生纂妻王氏亦極孝刲股以療姑病 同上

楊氏林時履妻夫早喪二子俱幼氏矢志苦守長子士
佩娶卜氏孝事孀姑姑病刲股和藥後值夫歿自經姑
救之遂絕飲食旬日而死 同上

潘女名宗嫫宜陵人許字黃玉穀未婚黃死潘聞訃卽
更衰經誓以死其母防之甚密卒乘間縊於臥室 同上

湯氏張椒頌妾頌以老無嗣而置氏及邁欲遣之誓死
不從頌死賣綉營齋裹土造壙事竟乘主母他出衰經

增修甘泉縣志

卷十六

列女

五十七

旁靈几自經

同上

厲氏阮秉謙妻夫亡守節年七十三卒子樞忠登康熙
庚戌科武進士 同上

李氏庠生蔣以善妻善早逝同側室張氏矢志守節教
三子勤學歷五十餘年長子銓國學生次鎧壬子拔貢
次鍾戊子恩貢孫翻雍正丙午舉于鄉 同上

汪氏邵伯鄉人于球妻乙酉城破球死氏亦自剄傷而
不死遂不更嫁苦守四十餘年 同上

范氏鎮江工部尚書崙之曾孫女適江都舉人于元璜
元璜公車北上值海寇犯江上被獲賊露刃脅之欲挾

以去氏奮罵不已賊怒刀劈其腦罵愈厲遂被害時年二十一 同上

蔣氏兩廣督標副將李英妻英奉檄往桂林值孫延齡叛英奔還氏訣別曰君爲國亾家妾爲君亾身兩無憾矣索鳩懷之及逆屠城遂服鳩而死督撫題敘建坊旌表墓在江都淮子橋北 同上

續志考正職官內無李英名遺事無考

史氏俞國賢妻年二十八夫歿遺孤甫三月撫之成立守節四十二年康熙四十二年請旌一女子陳之韞未嫁守節雍正元年請旌俱准給銀建坊 同上

增修甘泉縣志

卷十六

列女

五十八

趙氏諸生史嘉節妻性端嚴知書夫疾刲股救之及卒生遺腹子進義家益貧傭紉自給以書口授其子稍懈輒扑之曰吾不忍史氏書香自汝絕也苦節以終其子

補諸生 同上

王氏舉人李鑰妻舉人王彬長女也歸五載鑰卒生二子一女曲盡撫訓之方姑疾篤焚香籲天刲股療之尋愈子同聲康熙己丑進士四十四年

聖駕南巡御書節孝可風四字賜之 同上

程氏孫繼士妻年二十四夫亾遺腹生一子守節撫孤終身不衣綺紈不聽音樂至八十九歲歿康熙四十三

年題請建坊 旌表 同上

周氏太學生田士英繼室生子見龍甫六歲士英歿氏欲殉節不食者五日見龍亦不食乃忍死守節撫孤年至九十康熙四十四年

聖駕南巡賜御書節壽二字 同上

湯氏監生李天球妻年十九夫亾事舅姑撫二子守節三十六年康熙四十七年題 旌 同上

汪氏諸生程湄妻翰林汪楫妹也十七歸湄湄邁疾歿氏年甫二十有一矢志撫孤姑老病氏刲股救之苦節四十餘年子以儼中武舉 同上

增修甘泉縣志

卷十六

列女

五十九

韓氏進士燦女貢生周師旦妻年十五歸周三載生子以忠未週歲師旦病歿氏事孀姑撫孤子姑病瀕危刲股調羹救之以忠卒能成立學道邵嘉旌其門 同上

池烈女貧家子幼喪母及笄父以字吳氏長子廷望望從軍死於粵吳欲改配其次子親迎有日女知之伺其父出自縊雍正十二年題 旌 參 雍正江都志

霍九女民家子生十九年矣事父母婉容愉色以孝稱許字李正榮甫十日正榮死女號痛自殺以殉通里義之爲舉其喪與池烈女同葬於平山堂之右學使楊中訥爲之銘曰蜀岡之巔平山之側鬱乎蒼蒼憑高西望

而嘆息曰有同邑二烈女此其幽宅雍正十二年題

旌 同上

吳氏張復陞妻嫁時年十六事孀姑以孝聞姑病久刲

股肉以代藥病竟起年二十九夫卒有三子一女氏以

女工自給養姑教子皆有禮法康熙二十三年題請建

坊 旌表 同上

鄭氏中丞茂華孫女也適廩生閻麟生氏幼嫻詩書動

以古列女爲法夫卒絕食者六日夫葬虞祭畢遂自縊

遺詩曰結髮情意重拋撇兒女歸傷心千古慘烈鳥願

同飛有司加旌獎焉 同上

增修甘泉縣志

卷十六

列女

六十

洪氏方立禮妻事繼姑汪氏汪有已生子媳於氏弗愛

也凌虐備至氏怡然承順惟恐立禮知也立禮歿氏哀

慟十餘年未嘗見齒泪常盈睫一目遂枯 同上

黃氏儒生高從龍妻值兵亂氏以避難損足奉竺乾刺

血書經及龍歿撫二子大忠大貴皆成立氏病危次子

刲股肉回生年逾七十母子節孝著聞邨閭 同上

朱氏適黃家瑄未三年夫歿傭紉課子苦節三十餘年

子正立諸生 同上

李氏太學生張述繼妻撫前妻子女若已出述死李年

二十五止生一女後女死長子與孫亦相繼死李苦節

四十一年而卒 同上

吳氏程宗孟妻年十八適宗孟宗孟病刲股救之弗效
二子幼家甚貧窘吳手紉以給饘粥後避兵山中虎咆
哮而前吳祝曰婦可啖孤子不可啖也以身翼兩兒虎
遂去人以爲苦節所感既卒子其祿廬墓五年 同上

謝氏蒯明宇妻明末宇死遺孤相生甫四歲撫之守節
四十八年年七十三其孫蒯桂早歿無嗣孫婦高氏年
甫十九守節歷二十九年卒且無嗣尤可憫焉 同上

葛氏張文德妻文德爲蘄水縣丞流寇犯蘄死之氏間
關護喪歸里時年二十八二子一女皆在襁褓氏紡紬

增修甘泉縣志

卷十六

列女

六十一

自給奉姑曲盡孝養教二子有成巡鹽御史李贊元郝
浴皆旌表之 同上

楊烈女黃珏橋人許字程氏未嫁而程氏子死喪過其
門烈女號痛不食父母勸之女曰已許程爲程婦甯論
嫁不嫁乎已而自縊 同上

王氏秦應正妻年二十六而寡苦節三十餘年乙酉攜
其子避兵備極艱苦卒免於難子之俊登賢書 同上

鄭氏高植繼室夫歿厲節撫孤嘗值險阻義不受辱至
毀體流血克全貞操子策及孫採皆武進士 同上

謝氏名景韞適邵曰強甫二載值兵強與弟立及祖母

叔伯皆罹于難立聘劉氏聞立死亦自縊時謝氏從舅
姑避兵吳陵子在襁褓聞夫歿不食數日從父命撫遺
孤教之成立苦節五十餘年 同上

汪氏歛縣人後居江都適洪正宜家貧舅老且病薪水
藥餌悉汪氏傭針以給正宜早歿諸孤皆幼汪氏力營
殯葬撫三子良儉良伊良侃皆成立 同上

申氏中書維翰女文學郝錫信妻也年十八夫歿教子
沅讀書事舅姑盡禮苦節凡數十年 同上

王氏進士玉藻長女適喬薰家甚貧氏傭紉以事舅姑
薰歿課三子皆成立 同上

增修甘泉縣志

卷十六

列女

六十二

李氏黃起龍妻年十九夫歿遺妊三月每夕仰天泣拜
求生男既而果得男名天嗣教之成立任睢甯學博氏
年六十八卒 同上

張氏前指揮張恒孫女歸邑學生金玉節以哭母成疾
夫卒以哀疾益甚延三十餘年 同上

金氏吳德宣妻夫亾家道中落時金年未三十撫兩幼
子以節終 同上

甯氏陳治道妻年十六歸治道甫一載夫歿遺孤越數
月又殤上有雙親家徒四壁姑病七年朝夕侍奉勿倦
有以夫亾子天勸氏改節者氏弗答守節歷五十七年

上 同

增修甘泉縣志

卷十六

列女

六十三

